

Primary Briti Bid .a .u Reak´ Jo Sodorena

Nia . cando reak´ muca .t´ ak´ dinre metak´me Mon´golbar (28 February) Primary briti bid .a .u reak´ jo sodorena. Primary mo~r .e~ ak´ kelas re mot .re 82 hajar 383 got .en pa .t .hua . gidra . briti ko n´am akada. Briti ko n´am akat´ pa .t .hua . kodo ira .l ak´ kelas dha .bic´ briti ko n´ama. Nia . dhao laser hatan´ ko modre (talent pool) te bachao akan 33 hajar ar sadharon grade te 49 hajar 383 got .en pa .t .hua . briti ko n´amakada. Tehen´ Prathomik ar Gonosikha montronaloy khonak´ briti bid .a .u jo-e sodorkeda Prathomik ar Gonosikha protimontri Md.Zakir Hossen. Jo sodor jokhen set .ere tahe~kana Montronaloy ren socib ar Prathomik sikha Odhidaptor ren maran´ a .yuric´ selet´ et .ak´ a .piser ko.

Cet´ lekate bid .a .u reak´ jo bad .ae n´amok´a:

Briti bid .a .u reak´ jo do Prathomik sikha Odhidaptor reak´ website www.dpe.gov.bd, ar Montronaloy reak´ website www.mopme.gov.bd ar jila Prathomik sikha a .piser koak´ ka .mi t .ha~ona se upa .jila . /thana sikha kormokorta/ka .mia . koak´ ka .mi t .ha~ona khon ho~ bad .ae n´amok´a.

Cet´lekan Du .la .r .tam Gate?

Pa .hil dhaolan´ n´apamena t .erat .eratem

koyok´a .din´a .

Dosar dhaolan´ n´apamena met´met´lan´ koyok´

n´apamena .

Tesar dhaolan´ n´apamena muluc´muluc´em

landawadin'a;

Ina. tayomlan' n'apamena boge juda.m kulikedin'a;

Ina. tayom amem jha.li kedin'a amak' maya dula.r.

na.r.ite.

Din hilok'lan' n'apamok' kantahekan kulhi muca.t'

ul but.a.re

Calak' kan taken din ko besge ra.ska. monre kedec'

kedec'

Ackage mit'din n'apam kate meta.n' kanam hir.in'

ka.n'me.

Ar tis ho~ alom disa.in' muca.t'ena dula.r. talan';

Menkhan gate am do tehin' in'ak' katha bam

uyha.rleda.

Monere duk jiwire kost.o ladikatem sa ba.giadin'

Cet' bhul tahekantin'te dula.r. mayam chud.a.r-

kedam;

Onate gate tehen' ka.t.ic' memen am sanayeden'-

"Haire gate amak' mon, serma reak' ron' leka

achage bodolentama,

Am lekan gate karontege et.ak' aema gate ko

Tehen' sahao hoyok' kantako kost.o,

Unko teheny unumkok' kanako bulre,

Emek' kanako jiwi sudha. noa reak' joto karonge

Am lekan gate kha.tirte."

A.d.i man salat' ato_ diha.t. reak' sikna.t t.ha.ire go pa.rsi maha lagit' manote

Go pa.rsi ma~ha~ manot hoena a.d.i manot salet'. 21 February
Got.a dha.rti go pa.rsi ma~ha~ manot hoyena. Ban'gladisom re
joto pa.rsiren hor.ko a.d.i manot salat' nia. go pa.rsi ma~ha~
ko manotkeda. La.t.u -ka.t.ic' nan'graha kore do Sahid minar
re hor.ko baha ar man em kate go pa.rsi ma~ha~ ko manotkeda.
Ar ato diha.t. kore ho~ nia. go_ pa.rsi ma~ha~ n'utume man em
la.git' apanarte sohidminer tear kate onare man ko emkeda
hor.ko_. NAGR (National Agency for Green Revolution) hotete
a.yurok' kan 14 got.e sikna.t gaota kore ho~ nia. din a.d.i
man salet'ko manotkeda. Ato_ d.iha.t.re nia. go pa.rsi do joto
pa.rsi ren gidra.ko ar hor.ko nia. manotena. Ado_m do
ban'glate ado_m do_ santalite ho~ apanar pa.rsite nia. din re
pa.rsi n'utumteko guren hor.ko la.git' ar apnar te beanoen
pind.re baha emkate manot ko sodo_r kate.

Go Parsite Santal Gidra ko lagit' Pahil Puthi chapae lagit' Manwatonol

Sokolbar (17/02/2023) setak 10 baja Chapainawabganj Bongobandho cottor lahare Santali parsi ar horopte santal gidra ko lagit pahil sikhnat puthi chapa sodor lagit manwatonol hoyena. Nia manwatonol do ko ayur keda Uttarbango Adivasi Forum Chapainawabganj jila dar, Santal Onolia forum Bangladesh, Santal Somonnoy Parisod, Kasiadanga pargana porisad, Kolhe saota lahanti gaota, Mahale-Dighori-Baisi Porisad, Santalstimes.com, santalnews24.com;

Nia manwatonol khon Bangladesh sorkar then adi usara nia serma bhitrite santal gidra ko lagit pahil sikhnat puthi Santali (roman) horop te chapa rean dabi ko sodorkeda nia ren ayurko. Manwatonol re katha rororko ko laisodor keda Santali parsi te puthi chapa lekhan Santali roman horop tege jemon hoyok. Ente jug jug khon nia disomren sanam santal kodo nia horop tege ko parhao agueda. Ena chada ho nia manwatonol khon 7 goten dabi sorkar then ko sodorkeda.

7 goten dabi kodo:

1.2023 serma bitrite santal gidra ko lagit pahil sikhnat puthi chapa sodor reak kami hora purao hoyoka.

2. Santal se etak adivasiko menak ko jila kore Adivasi Cultural Academy benao hoyok'a.
3. Adivasi koak' parsi, lakcar-aricali rukhiay lagit' sarkar bises boraddo doho lagaoaya.
4. Television, Radio ar etak media re adivasi parsi, aricali-lakcar rukhia lagit' sothik jinis porcar hoyok'a ar onare adivasikoak' onson taken lagaok'a.
5. Sarkari sec'lekate adivasi ko sikhnat, aricali ar khelad re lahanti lagit kami hora hatao lagaok'a.

6. Adivasi ko ko tahekan ato totha reak' khas pukhri onkoge lease emako lagaok'a.
7. Adivasi koak' jaiga jumi ar topa tandi, puja thai dokhol bondo lagaok'a ar adivasi ko lagit' mitten beggar Vumi Kommision bandhao lagaot'a.

Nia manwatonol re mukhia hisabtey tahekan Uttarbango Adivasi Forum Chapainawagnaj Darren mukhia Lois Tudu, katha ko rorkeda Uttarbango Adivasi Forum kendro committee Dhaka re mukhia Hingu Murmu, Tottho ar porcar mukhia Prodip Hembrom, Chapainawaganj jila dar ren mukhhia Kornelius Murmu, Santal Lekhok Forum ren Sontos Tudu, Mahasoi Modon Murmu ar Pathua kuri Kathrina Rimi Kisku ar Anamika Hembrom.

Nia chada ho nia dinre Santali horopte santal gidrako lagit pahil puthi chapae babot Dhaka jatiari press club samanre manwatonol ho hoypuraoena Uttarbango Adivasi Forum ak ayurte.

Primary Reak' Briti Bid .a .u Reak' Jo Sodorok'a Nia . Cando

Nia . cando reak' 25-28 ta .rik bhitritege Primary briti bid .a .u reak' jo sodorok'a mente Prathomik ar Gonosikha socib Farid Ahmed-e la .i sad .e akada. Jo sodorok' reak' ja .rur . ka .miko calak' kana mente bad .ae ocokeda. Mon'golbar (14 February) Socibaloy re Prathomik ar Gonosikha montronaloy reak' ba .isi or .ak're mit' dupur .up're noa babote la .i lahakeda.

Bad .ae abon je, 13 serma badre arho~ noa briti bid .a .u do hoe akana. Calaoen serma 30 December briti bid .a .u hoelena. Nia . dhao got .a disom khon ira .l gel bar (82) hajar tala pa .thua . gidra . briti ko n'ama. Nia .ko modre lasar hatan'ko (talent pool) 33 hajar ar sadharon grade te pongel are (49) hajar tala gan pa .t .hua . gidra .ko briti n'am

la.git'ko bachao ocok'a. Onko modre laser hatan' ko do cando re pe sae (300) t.aka ar sadharon grade te bachao ocok' ko do cando re bar sae mo~r.e~ (225) t.aka katec' briti ko n'ama.

Ka_mi Reak' Jo

Mit' atore Nakula ar Sohan n'utuman barea gate kor.akin tahe~kana Nakula do a.d.i dhorom hor.e tahe~kana ar sisirja.uic' a.d.i a~t.e manaoede kan tahe~kana. Menkhan Sohan do kajake khat.aok' hor.e tahe~kana. Okare bana hor. khat.ao katec' cas-abad katec' or.ak' benaokin monelet'. Sohan do bila.n ba.iha.r. re kajake khat.aok' kan tahe~na menkhan Nakula do din hilok' sisirja.uic'e dewa-sewa ae kan tahe~na jemon do phosol mon'jte pholonok'. Onkage okto ho~ calao cabayena. Thor.a din badre khet reak' phosol do beleyena. Ado bana hor. ona phosol ha.t.ia.rekin a.khrin'ket'te ka.ud.ikin' so~c'jon'ana.

Khan or.ak're sen katec' Sohan do Nakule metaekana, ba.r.tin' khat.ao akana onate ba.r.ti n'ok' ka.ud.i n'am lek kantin'a. Noa katha an'jomte Nakula do bae ror. rua.r.adea je, sisirja.uic' t.hen ona phosol jimaren' doholeda, jemon mon'jte pholonok'. Ente sisirja.uic' begor cet'ge ban' hoyok'a. Ado ona ka.ud.i se sompot la.git' atoren ma.n'jhi t.hen kin senena. Ma.n'jhi do onkin bana hor.ak' kathae an'jomkeda, ado bana hor. mit't.en katec' bosta caole emat'kina, oka do dhiri kut.ra. mesal tahe~kan. Ma.n'jhi har.am do nonkae metat'kina, gapa setak' bhitrite aben do noa caole khon dhiri kut.ra. bachao tot' hoyok'tabona, end.ekhanin' got.aea okoe noa ka.ud.i reak' ba.r.ti bhag n'am lek kanaben mente. Khang bana hor. bosta caole or.ak'tekin idikeda.

Ado Sohan do got.a n'inda. caole khonak' ona dhiri kut.ra. halan' bachaokeda. Ar Nakula do mit' bosta caole n'utumte sisirja.uic' t.hene kojon'keda. Ina. dosar din Sohan caole ar dhiri kut.ra. sajaokate

ma.n'jhi t.hene senena. Ma.n'jhi noa n'elte a.d.i a~t.e khusiyena. Ado Nakula ho~ ona bosta ma.n'jhi t.hene idikeda. Ma.n'jhi do Nakulae kulikedea, tina.k' caolem bachao akada? Nakula doe menkeda sisirja.uic' cetanre ket.ec' pa.tia.u menak'tin'a, caole do sa.rige sapha akana. Tinre bosta ko jhic'keda, caole ar dhiri do enkage tahe~kana. Ina.kate jumidar Sohan do ona t.aka reak' ba.r.ti bhage emadea. Ina.kate jumidar Nakula doe metadea, tinre kajakem khat.aok'a unre sisirja.uic' doe goro.wama. Ente bin khat.aote sisirja.uic' do ohoge gor.okema. Tayomte Nakula ho~ Sohan leakage jumire khat.aok'e ehop'ena ar ina. dhao phosol do a.d.i mon'j pholonentaea.

Hor . koak' Tha .ri Daka Khon Ut .ha .uk' Kana Jel Utu

Nia.ko dinre ha.tia. bajar re joto jinis ko reak' dam a.d.ige d.her akana. Sarkarak' baponon Songstha Trading Corporation Of Bangladesh (TCB) akoak' din hilok' ha.tia. reak' report re noa dam reak' katha la.i sodor akana. Sarkarak' songstha khon bad.ae n'am akana, calaoen mit' hapta bhitrite D.an'gra, Kha.si ar Broiler sim ak' dam ho~ d.her akana. TCB reak' report re men akana, nit Rajdha.ni reak' ha.tia. re D.an'gra jel 700-720 t.aka kegi, Kha.si jel 1000-1100 t.aka kegi ar Broiler sim ho~ 180-200 t.aka kegi katec' ko a.krin'ok' kana.

Enreho~ ha.tia. re Broiler sim 200-210 t.aka kegi katec' ko a.khrin'ok' kana. Oka do mit' hapta lahare ho~ 660-700 t.aka, 850-900 t.aka ar 145-160 t.aka kagi bhitrireko a.khrin' akan. TCB reak' report -e menet' kana, calaoen mit' serma lahare Rajdha.ni reak' ha.tia.re kegi re 580-620 t.aka, Kha.si jel 800-900 t.aka ar Broiler sim 140-150 t.aka bhitrite a.khrin' hoe akana. Noa hisa.b lekate mit' bochorre D.an'gra jel reak' dam 18.33%, Kha.si jel 23.53% ar Broiler simak' dam 31.03% d.her akana. Sokolbar (10 February) ha.tia.re mit' ha.li bele

45-47 t.aka katec' a.khrin' akana. Oka do mit' hapta badre ha.li re bar t.aka d.herena. Ente mit' cando lahare ha.lire 35-40 t.aka katec' a.khrin'ok kan tahe~kana. Ona hisab lekate ha.lire dam 22.67% do d.her akana.

Eken jel moto do ban' hako reak' dam ho~ onkage d.her akana. Cedak' je, thor.a din lahare la.t.u macha Telapia. hako 170-180 t.aka kegi katec' ko n'amok' kan tahe~na. Ar nit onko hako ak' dam kegi re 200-210 t.aka. Onka leakage Pan'gas hako ak' dam ho~. Kegi re 10-15 t.aka d.her akante 270-290 t.aka damteko a.khrin'ok' kana. Et.ak' hako koak' dam ho~ a.d.ige d.her akana. Rui hako 280-350 t.aka kegi, Ica.k' hako 600-950 t.aka, 500 gm ojon ren ilis hako ak' dam 750 t.aka, mit' kegi ojon ren ilis hako ak' dam 1100-1200 t.aka, ma.n'gri hako 350-550 t.aka. Metak'me joto hako ak' damge d.her akana. Jel hako ar emanteak' jinis reak' dam nonka d.her akante sa.rige ren'gec'-orec' hor.ko muskilreko par.a0 akana.

Pea Hako Ak' Golpo

Mit't.en pukhrire pea hako ko tahe~kana. Nuna.k' gateko tahe~kana je, mit' gha.r.i ho~ bako apan a.pinok'kan tahe~na. Mit'din mit't.en hako sasap' ke~ot.a do pukhri t.hen hec'kate hako n'elte a.d.itet'e kusiyena. Ado pukhrire jha.li capat'ket'te hako sasap'e portonkeda. Menkhan onko budan hako do et.ak' pukhri sec' uca.r.ok' reak' ko hudis bar.aet' tahe~kana. Khan onko modre mit't.en hako do usa.rae ra.ji got'en sa~o sa~ote, et.ak' mit't.en hako doe ban'ket'te menkeda, noa pukhri do or.ak' kana, nond.e khon do ohogen' senkok'a. Onka leka tesaric' hako ho~e mengot'keda, nond.e tahe~nre ja~ha~n muskilre ohon' par.aok'a. Onate nond.e khon ja~ha~n sec' ba.n' senok'a. Onkin barea hako do a.kinren et.ak' gate ta.kin ba.kin' bujha.u ocoledea. Ado onate a.kinak' apan a.pin mone leka senjon'kin got.akeda.

Ina. dosar din ke~ot.a do jha.li capat'ko hec'en re onkin barea hako

dokin da.r.ket'te jha.li khon kin rukhia.yena, menkhan tesaric' hako do jha.lire jha.liyena. Ente uni do ona muskil okte bebuja are d.hilisililena. Onate ona muskilre par.aena.

Sikha.una: Ja~ha~e ja~ha~n muskil se et.ket.o~r.e~ re par.aolen khan budan hoyok' la.git' et.ak' hor.ak' solha ja.rur.aea. Disa.e hoyok'a, joto muskilge juda. juda.gea, ar ona muskil cabae la.git' onkage juda. juda. hor se upa.i menak'a.

Dha.rti Lar.aote Turosko-Syria Disom re 15 Hajar Khon Ho~ D.her Hor. Ko Gurena

Calaoen Sombar (06 February 2023) Turosko reak' da.khin-purub nakha sec' 7.8 matra reak' a.d.i dar.ean ar botorge dha.rti do lar.ao akana. Turosko-S'yria ar.e t.ot.hako re dha.rti lar.aote 15 hajar khon ho~ d.her hor.ko gur akana. Turosko re do 12 hajar 391 ar Syria ren do kom se kom 2 hajar 992 hor.ko gur akana. Bar karor. tala khon ho~ d.her hor. noa botoranak' maran' ghot.na reko par.ao akana mente Bisso Sastho Songstha (WHO) doe hudiset' kana. Menkhna gujuk' son'kha arho~ thor.a d.her dar.eak'a mente cehao are sontor akat'koa noa songstha do.

BBC ko bad.ae ocoet' kana, noa bar disom reak' hajar hajar dalan or.ak' ko ra.put' dhandhaser akana. Noa ra.put' akan dalan or.ak'kote ten at.kao akan hor.ko ban'caoko la.git'te udha.r ka.mia.ko a.d.i kurumut.ure menak'koa. Utar Syria re ra.put' akan or.ak' latarre ten akan hor.ko gor.o n'am la.git'te bogete ka.ua.ra.ua. ko hohoet' kana.

Menkhan onkoak' hoho gon' la.git' onkan hor.ge ba.nuk'koa.

Turosko disomren President Recep Tayyip Erdogan do Budhbar noa udha.r ka.mi reak' mukilanak' kathakoe la.i sodorkeda. Enreho~e men akada, Pa.hilre thor.a muskil tahe~kan reho~ nit do udha.r ka.mi beste calak' kana. Erdogan doe nonkae menkeda, pa.hilte Biman gha.t.i ar d.ahar kore muskil ar et.ket.o~re~ tahe~kana, tehen' do ka.miko alga n'ok' akana, gapa arho~ napaete hoyok'a. A.d.i kurumut.ure menak'lea. Rast.ro ho~ ac'ak' da.yik lekae ka.mi kana. Nit' jotokote mit'te ka.mi reak' okto kana. Turosko President arho~e menkeda, joto hor. la.git' or.ak'ko sap'r.ao ako kana, d.aharkore okoege bako tahe~ ocoakoa.

Pongel Bar (42) Din Khon Isa.i Gharon'jren Bar Boeha Kur.ikin An'gen Akana

Calaoen serma reak' 28 December akoak' hor.o khet ka.mikin senlena Rumila Mardi (14) ar ac'ren ka.t.ic' boeha Maria Mardi (6). N'el n'elte 42 din do parom calaoena. Unkin do ar or.ak' bakin ruar. akana. Okatekin senena, onkinak' molon're cet' ceka akana-okoege bako la.i dar.eak' kana. A.kinren en'gat' Aroti Murmu ak' me~t' dak'ge nitok' bhorsa.



এই মেয়ে য়াৰ নাম ৰুমিলা (১৪) এবং
তাৰ ছোট বোন মৰিয়ম (৩)
তাদেৰকে গত ২৮ ডিসেম্বৰ ২০২২ খ্রি:
থেকে নিখোঁজ রয়েছে।
খুঁজে পাওয়া যাচ্ছে না।
দুই জন নিখোঁজ
কেউ যদি এই মেয়েদেৰ কে দেখে
থাকেন বা খোঁজ পান দয়া কৰে
পুলিশ/চাঁদপুৰুৰ মিশনে যোগাযোগ
কৰাৰ জন্য অনুৰোধ কৰা হলো।

ৰুমিলা (১৪ বছৰ), মৰিয়ম (৩ বছৰ) যোগাযোগ: ০১৩২০-১২৩৮৫০, ০১৩২৭-৪১৩১৩০

Naogaon reak' Porsha thana reak' Phulbaria Baghdanga atore noa ghot.na ghot.ao akana. Bad.ae n'am akana, or.ak' khonak' adha kilomit.er

sa.n'gin' re akoak' hor.o khetre setak're ka.mikin senena, tikin ber or.ak' rua.r.ok' reak' katha tahe~kana menkhan bakin ruar. hec' akana. Dosar din ad.epase per.a pa.rua. koak' or.ak' senkatec' khoj ko hataokeda, ond.e ho~ bakin sen akana onkin boeha do. 29 December onkin ren en'gat' Aroti Murmu do Porsha thana re kur.ikin at' akantae babotre na.lisket'a menkhan Pulis do ja~ha~n report bako file akada. Ond.enic' girja. Father pulis t.hene senen re Pulis do 5 February mit't.en mamla ko hataokeda. Porsha thana ren bharapon a.piser Johirul Islam doe bad.ae ocokeda je, onkin boeha kur.i n'amkin la.git'te kurumut.ure menak'koa mente.